



UNIVERSITÄTS-  
BIBLIOTHEK  
PADERBORN

## **Claudii Fleurii Abbatis Historia Ecclesiastica**

Ab anno Christi 1682. usque ad annum 1690

**Fleury, Claude**

**August. Vind. [u.a.], 1781**

**VD18 90119231**

§. 50. Bellum Gallicum ad Rhenum.

---

[urn:nbn:de:hbz:466:1-67608](https://nbn-resolving.org/urn:nbn:de:hbz:466:1-67608)

Gradiscam ad Savum, aliasque urbes, quæ in Sclavonia & Croatia adhuc Turcis parebant, expugnavit, simulque Janissarorum agmen quindecim millibus validum, quod Belgradum obfidione liberatum advenerat, adortus, cæsis hostium quinque millibus, cunctisque impedimentis qua captis, qua incensis reliquos in turpem fugam egit, & triginta duo militaria Vexilla in victoriæ trophæum Viennam ad Leopoldum Cæsarem transmisit.

Sæc. XVII.  
A. C. 1688.

§. L.

*Bellum Gallicum.*

Post tot Cæsaris victorias, atque inter necinam Turcarum cladem haud infima spes affulserat, intra biennium Mahometanorum gentem ex Universa Europa eradicatum, armisque Cæsaribus Constantinopolin subactum iri: verum hæc ipsa Cæsareæ potentiae incrementa Principum nonnulli haud æquis aspiciebant oculis; raro enim aliena felicitas adversus æmulum invidiam diu tuta floret. Jam dudum Ludovicus XIV. Franciæ Rex victricia Leopoldi Imperatoris arma a Turcarum excidio avertendi animum præferre videbatur; violata enim induciarum fide Trevirensibus quadringento-

*Hist. du Princ. Eugen. l. 1. Theatr. Europ. t. 13. pag. 308.*

Ll 5 rum

Sæc. XVII. rum nummum aureorum tributum solo  
A. C. 1688. *reunionum* (\*) nomine imperavit, Teu-  
 tonici Ordinis Equitibus, & Argenti-  
 nensibus Canonicis prædia amplissima  
 eripuit, ac superato cum copiis Rheno  
 arcem Huninganam oppido munitam  
 præter plures alias extruxit, hacque  
 ratione a Basilea usque ad præfatam  
 arcem totum Rheni tractum sibi vendi-  
 cavit: Perstrepunt Ratisbonæ comitia  
 læforum Principum querelis, Cæsar  
 quoque per Lobkovicium, & Frideri-  
 cus Guilielmus Brandenburgicus Elector  
 aliique per literas Franciæ Regem com-  
 monent, ne invidiosis hisce tentamentis  
 Christianæ Reipublicæ commoda fra-  
 ctis Ottomanis viribus procurata, nec-  
 non Imperii tranquillitatem intertur-  
 bare velit: Ast haud aliud a Regiis Mi-  
 nistris referebatur responsum, quam  
 quod impacta violatæ fidei calumnia  
 nonnisi bello expianda sit, & Cæsar  
 pacem cum Turcis inire haud alio ex  
 fine moliatur, nisi ut arma in Gallos  
 vertere possit, ac propterea imperii Prin-  
 cipes ad paranda arma hortatus, Au-  
 gustano foederi accesserit. Insuper  
 que-

(\*) Erexerat Rex duas Jureconsultorum Cu-  
 rias, ubi discuteretur, quænam ditiones aut  
 urbes Gallici juris olim fuissent, proin ite-  
 rum Regno uniendæ essent.

querelæ adversus Cæsarem ad ipsum Sæc. XVII.  
 quoque Pontificem per Cardinalem A. C. 1688.  
 Estræum deferuntur: accusatur ille,  
 quod fucato mutuæ defensionis nomine  
 cunctos Principes in Franciæ excidium  
 armare præsumat, nî ergo ad Gallici  
 Regni securitatem reliquum sit, quam  
 si urgente Papa viginti annorum indu-  
 ciæ in pacem perpetuam converteren-  
 tur, proin omnia tam ante quam post  
 inducias Imperio erepta æternis vin-  
 culis Galliæ Regno adstringerentur,  
 secus, si hæ conditiones ad diem pri-  
 mam Aprilis non acceptarentur, Rex  
 jus suum armis vindicare compellere-  
 tur. Interim Galli prope Trarbacum  
 Palatinæ ditionis urbem novum muni-  
 mentum, Landavium dictum, & aliud  
*Montis Regalis* nomine, aliamque arcem  
 ad Saaram fluivum exstruxere, gravi-  
 ter querentibus Imperii Principibus:  
 Implicatur quoque Philippus Wilhel-  
 mus Palatinus Elector gravi contro-  
 versia de hæreditaria successione, quam  
 Gallorum impulsu Carolina Aureliani  
 Ducis Uxor sibi vindicare nitebatur:  
 nondum hæc caussa aperti belli fomi-  
 tem subjecit, utpote partium consensu  
 ad summi Pontificis arbitrium delata:  
 priusquam vero Pontificis sententia au-  
 diretur, festinatis nuntiis Viennam per-  
 fertur,

Sæc. XVII. fertur, quinquaginta Gallorum millia  
A. C. 1688. hostiliter in Palatinatum irrupisse.

## §. LI.

*Alius belli Gallici obtentus ob Für-  
stenbergium ab Archiepiscopatu  
Coloniensi exclusum.*

*Wagner  
Hist. Leop.  
l. 10.  
Hode Hist.  
Louis XIV,  
l. 45. p. 400.*

Iniquo prorsus tempore accessit repulsa  
Cardinalis Guilielmi Fürstenbergii  
Argentinenſis Episcopi: Rogabatur idem a Bavariæ Electore Maximilia-  
nus Henricus Coloniensis Archiepiscopus,  
atque Elector, ut Josephum Clementem Nepotem suum, Bavariæ Ducem ac Frisingensem & Ratisbonensem Episcopum sibi Adjutorem provec-  
tæ ætatis designaret: Tergiversabatur dum Archipræsul, tam Clementis pueritiam, quam validas adhuc vires suas caussatus: præter omnium tamen expectationem Canonicos suos convocat, & ingravescentis ætatis mala obtendens, eis exposuit, neminem præter Guiliel-  
mum Fürstenbergium spectata temporum vicissitudine, Electorali honore digniorem, & conciliandæ Austriacæ & Borbonicæ Domui aptiorem esse. Ea res cunctos Germaniæ Principes, ac præprimis Cæsarem & Palatinum Electorem in magnam admirationem, curasque conjecit; omnibus enim notum erat,